

այստեղ, սրբազրեւով Տէր Յովանեանցի պակասաւոր հրատարակութիւնը.

«ԱՅՍ Է ՇԻՐԻՄ ԴԱՄԲԱՐԱՆԻ  
ԽՕՋԱՅ ՍԱՖԱՐ ԻՇԽԱՆ ԲԱՐԻ  
ՈՐ Է ԵԴԵԱԼ ԱՅՍ Տ(Ա)ՊԱՆԻ :  
ԷՐ ՍԱ ԱՄԱՑ ԾԵՒ (55),  
ԹՎԻՆ ՀԱՅՈՑ Ռ. ԱՄԻ  
ԿԷ ՕԵԼՈՐԴԻ.  
ՍՈՒՐԲ ԽԱԶԻ ՊԱՔ ԶՈՐԵՔՇԱԲԹԻ.  
ՍԱ ՕԱՆԿԵԱՑ ԱՌ Տ(Է)Ր Հ(Ո)ԳԻ.  
Ք(ՐԻՍՏՈ)Ս Ա(ՍՏՈՒԱ)Ծ ԻԻՐՆ ՈՂՈՐՄԻ» :

Նոյն թուականին, Նոր Զուղայի Խօջէնց Ս. Գէորգ եկեղեցւոյն խորանին պատուանդանին քարին մէկ երեսին վրայ արձանագրուած գտայ.

«ԽԶՍ ՅՇՏԿ Է - ՍՈՒԼԹԱՆ Փ - ԱՇԷ» (երեք տողի վրայ), այսինքն՝ «Խաչս յիշատակ է Սուլթան Փաշէ» :

Գտայ նաեւ Խօջայ Սաֆարի կնոջ Սուլթանփաշէի տապանաքարը, նոյնպէս Նոր Զուղայի գերեզմանատան մէջ, ուր թաղուած է 1607ին.

«ԱՅՍ Է ՀՆԳՍՍՍ  
ՍՕԼԹԱՅՆՓԱՇԷ  
ԵՒ ԿՂԿՑ ԽՕՋԱՅ  
ՍԱՖԱՐԻՆ  
ԹՎԻՆ ՌԾԶ»

Այսինքն՝ «Այս է հանգստարանս Սօլթայնփաշէ եւ կողակից Խօջայ Սաֆարին, քվիւն ՌԾԶ (= 1607)» :

Խօջայ Սաֆար իր հօր Խօջայ Խաչիկի Յայսմաւուրքին մէջ 1604ին յիշուելէ զատ, ուրիշ ձեռագիրներու մէջ ալ կը յիշատակուի : Այսպէս, իմ հաւաքմանս թիւ 140 Յայսմաւուրքին մէջ, ուր մաս մը (37 թերթ), գրուած է Խօջայ Վաթանի համար, կը կարդանք այսպէս.  
«... ստացողի գրոցս Խաւջայ Նազարին եւ կողակցին իւրոյ. որդւոցն Պարոն Սարֆրազին, Էլիազին, Վաթանին. եւ եղբօրն՝ Խաւջայ Սաֆարին եւ ծնաւդացն Խօջայ Խաչիկին, Մամին» : Ձեռագիրը 1659 թուականէն է, ուրեմն՝ Խօջայ Սաֆարի մահէն բաւական վերջ գրուած :

Իր գերզատանին համար շատ կարեւոր է իր որդւոյն «Պարոնաց պարոն» Զալալ Բէկին յիշատակարանը, զոր կը ներկայացնեմ